



Савол:

Ассалому алайкум ва раҳматуллоҳи ва барактух. Аввалам бор мусулмонлар учун шундай енгилликларни ташкил қилганингиз учун, Аллоҳ сизлардан рози бўлсин. Менинг саволим шуки, Абдулвалий қори аканинг дарсларини тинглаганимда, қуйдириб даволаш мумкин эмас деб айтганларини эшитиб, кандай даволаш ҳақида гапирганларини тушуна олмадим, иложи бўлса шуни менга мисоллар билан тушунтириб берсангиз. Эътиборингиз учун катта раҳмат.

Жавоб:

Ва алайкум ассалам ва роҳматуллоҳи ва барокатух. Шундай фасод замонда, интернетдек кенг тармоқли замонавий воситадан динини ўрганишга ҳаракат қилаётган сиз каби азиз ўқувчиларимиздан ҳам Аллоҳ рози бўлсин.

Куйдириш билан даволаш арабларда аввалдан маълум бўлган. Шунинг учун пайгамбар соллаллоҳу алайҳи ва саллам бу каби даволашнинг бўладиган ва бўлмайдиган турларини айтганлар. Куйдириб даволашга мисол келтирадиган бўлсак: баъзи яраларга темирни кизитиб босилади ва шу билан яра тезда битади. Аёлларда кўплаб учрайдиган касаллик, “Эрозия” ҳам кўпинча қуйдириш билан даволанади. Сўнгги йилларда юртимизга Хитой табобати кириб келгандан кейин шамоллаган ўринлар, бел ва оёқларни қуйдириб даволаш анча кўпайди. Қуйдиришнинг турли йўллари бор. Унда фақат темир киздириб босилмайди.

Унинг мумкин эмаслиги эса, бутунлай ҳаром дегани эмас. Уни қилган одамлар расулуллоҳ соллаллоҳу алайҳи ва саллам хабар берган,



жаннатга бехисоб кирадиган етмиш минг кишининг каторидан ўрин олишдан маҳрум бўладилар. Чунки, расулуллох соллаллоху алайхи ва саллам “...улар куйдириб даволанмайдилар...” деб марҳамат қилганлар.